

43.3

U. S. Army  
89th Inf.

1914

2(075)  
U-15

2001

2010

27

ԴԱՍՏԵՐ ԿՐՈՆԻ  
Ա.



2(075)  
U-15

Н<sup>2</sup>-83ч

Одобрено Попечительск. Совѣтомъ Кавказск. Учебн. Округа

Միական և պետական դպրոցների համար:

ԴԱՍԱՏԵՏՈՒ

ԿՐՈՆԻ

2(075)  
U-15

Ա տարի  
ՃԶ տպ.



Սահմանական և ժամանակական

Թ. Բ Յ Ա Բ Ս  
Արագատիս ճշուաբեկութ, Ելիզ. 17  
1914

2899

Գլուխ է 25 կոռ.

Ի ՀԱՅՐԱՊԵՏՈՒԹԵԱՆ

## S. S. ԳԵՂՈՐԳԵ.

Սրբազնագոյն Կաթուղիկոսի Ամենայն Հայոց, ծայրագոյն Պատրիարքի Համազգական Նախամեծար Արարատեան Առաքելական Մայր Աթոռոյ Սրբոյ  
Կաթուղիկէ Էջմիածնի:

Հստ բարձու հրամանի նորին Օծովմեան Վեհափառ Հայրապետի ազգիս Տ. Տ. ՄԿՐՏՉԻ Ա. Դիւանս թոյլատը տպագրովմին դասագրոյս եւ վաւերացուցանէ ստորագրովմեամին եւ դրշմամբ կնքոյ Հայրապետական Դիւանի:

Ի 1-ն յուլիսի 1899 ամի, ի Ս. Էջմիածնի:

Դիւանապետ Կորին վարդապետ:

ԿԿ633 - ահ,



29612 - 63



Ա.

1.

Յ անուն Հօր և Որդւոյ  
և Հոգւոյն Սրբոյ. ամէն:

2.

Հայր մեր, որ յերկինս, սուրբ  
եղիցի անուն քո. Եկեսցէ արքայու-

թիւն քո. Եղիցին կամք քո որպէս յեր-  
կինս և յերկրի. զհաց մեր հանապա-  
ղորդ՝ տնը մեզ այսօր, և թող մեզ  
զպարտիս մեր, որպէս և մեր թողումք  
մերոց պարտապանաց, և մի տանիր  
զմեզ՝ ի փորձութիւն, այլ փրկեա զմեզ  
՝ ի չարէն, զի քո է արքայութիւն և զօ-  
րութիւն և փառք յաւիտեանս ամէն:

Երկնաւոր Հայր, քո անունը սուրբ լինի.  
քո թագաւորութիւնը գայ. քո կամքը լինի  
ինչպէս երկնքումը, այնպէս էլ երկրի վրայ.  
մեր ամենօրեայ հացը տնը մեզ այսօր. մեր  
պարտքը թող մեզ, ինչպէս որ մենք էլ մեր  
պարտապաններին ենք թողնում. մի ձգիր մեզ  
փորձութեան մէջ, այլ փրկիր չարիցը, որով-  
հետև յաւիտեանս քոնն է թագաւորութիւնը, զօ-  
րութիւնը և փառքը. ամէն:

### 3. Ա Դ Օ Թ Ք Դ Ա Ս Ի Ց Ա Ռ Ա Զ\*)

Ամենաբարի Աստուած, առաքեա  
առ մեզ զշնորհս Հոգւոյդ Արքոյ, զի

\*) Գլուխ 3, 4, 5. Պետ. դպրոցների համար:

պարզեցնացէ մեզ զմիտս և կազդուրեա-  
ցէ զզօրութիւնս հոգւոց մերոց, որ-  
պէսզի մեր ընդունելով զաւանդեալ  
մեզ ուսմունս, զարգասցուք քեզ ըս-  
տեղծողիդ մերում՝ ի փառս, ի մխի-  
թարութիւն ծնողաց մերոց, յօգուտ  
եկեղեցւոյ և հայրենեաց:

Ամենաբարի Աստուած, ուղարկիր մեզ Սուրբ  
Հոգուդ շնորհը, որ մեզ միտք պարզեէ, զօրացնէ  
մեր հոգու կարողութիւնները, որպէսզի ուսում  
ստանանք, մեծանանք Ստեղծողիդ փառքի հա-  
մար՝ մեր ծնողներին մխիթարելու և եկեղեցուն  
ու հայրենիքին օգտակար լինելու:

### 4. Ա Դ Օ Թ Ք Դ Ա Ս Ի Ց Ե Տ Ո Յ

Գոհանամք զրէն, Արարիչ, զի ար-  
ժանի արարեր զմեզ շնորհաց քոց՝ ըն-  
դունելութեան ուսմանս: Օրհնեա զմե-  
ծաւորս, զծնողս և զուսուցիչս մեր,  
որք առաջնորդեն մեզ՝ ի զիտութիւն  
բարութեան և տնը մեզ կարողու-

թիւն՝ ի շարունակութիւն ուսմանս  
այսորիկ:

Շնորհակալ ենք քեզնից, արարիչ Աստուած,  
որ արժանացրիր մեզ ուսումն ստանալու. օրհնիր  
մեր մեծաւորներին, ծնողներին և ուսուցիչնե-  
րին, որոնք առաջնորդում են մեզ դէպի բարին.  
տնւը մեզ ոյժ և կարողութիւն այս ուսումը շա-  
րունակելու:

### 5. Ա. Ղ. Օ. Թ. Ք. Թ. Ա. Գ. Ա. Ի. Ո. Ր. Ի. Հ. Ա. Մ. Ա. Ր.

Տէր Աստուած մեր, կեցն զամե-  
նաբարեպաշտ Թագաւորն և զկայսրն  
Ռուսաց զնիկոլայ Ալեքսանդրովիչն:  
Զորացն զնա, օգնեա զաւակաց և զո-  
րաց նորա՝ պահելով զամենեսին՝ ի  
խաղաղութեան:

Տէր Աստուած, կեանք տնւը Ռուսաց Ամե-  
նաբարեպաշտ Թագաւոր և Կայսր Նիկոլայ Ալեք-  
սանդրովիչին: Զօրացը նրան, օգնիր նրա զա-  
ւակներին, զօրքին և ամենին խաղաղութեան  
մէջ պահպանիր:




Բ.

### 6. ՍՈՒՐԲ ԿՈՅՑ ՄԱՐԻԱՄԻ ԾՆՈՒՆԴԸ ԵՒ ՏԱՃԱՐԻՆ ԸՆԾԱՅԵԼԸ

**Պ**անանացւոց երկրում մի քաղաք  
կար՝ անունը Նազարէթ: Այդ  
քաղաքում ապրում էր մի բարեպաշտ  
մարդ Յովակիմ անունով՝ իւր Աննա  
կնոջ հետ: Սրանք որդի չունէին, դրա  
համար էլ շատ էին տիրում և Աստծուն  
միշտ աղօթում էին, որ իրանց մի  
զաւակ պարզեց: Մի անգամ էլ աղօ-  
թելիս խոստացան, որ եթէ Աստուած  
իրանց խնդիրը լու և մի որդի պար-  
գևէ, իրան կընծայեն, որ տաճարին

ծառայէ։ Աստուած լսեց բարեպաշտ ծնողների աղօթքը և մի աղջիկ պարզեց նրանց, որի անունը Մարիամ



կրին։ Երբ աղջիկը երեք տարեկան գարձաւ, Յովակիմն ու Աննան, ինչպէս խոստացել էին, տաճար տարան

նրան և ընծայեցին Աստծուն, իսկ իրանը դարձան Նազարէթ։ Մարիամը մնաց տաճարում. քահանայապետը նըրա ուսուցիչն էր. սովորցնում էր նըրան սուրբ գիրք կարդալ, աղօթել և տաճարին ծառայել։ Մարիամի նըրման ուրիշ շատ աղջիկներ էլ կային այնտեղ։ Մարիամը մնաց տաճարում մինչև տասն և չորս տարեկան դառնալը։ Նրա ծնողները մեռան, ուստի քահանաները Մարիամին յանձնեցին իւր ազգական նազարէթցի ծերունի Յովսէփին, որի մօտ և ապրում էր։ Յովսէփին արհեստով հիւսն էր։

Սուրբ կոյս Մարիամի ծննդեան տօնը կատարում ենք սեպտեմբերի 8-ին, իսկ տաճարին ընծայելը՝ նոյեմբերի 21-ին։

#### 7. Ա. Ի Ե Տ Ո Ւ Խ Ն

**Մ**արիամը, ինչպէս տաճարում, այնպէս էլ Յովսէփի տանը, ազատ ժա-



մերին սուրբ գիրք էր կարդում և ա-  
ղօթում:

Մի անգամ, երբ Մարիամն աղօ-  
թում էր, Գաբրիէլ հրեշտակը երևաց  
նրան և ասաց. «Ողջն ըեզ, Մա-  
րիամ, Աստուած ըեզ հետ է»: Երբ  
Մարիամը հրեշտակին տեսաւ, վախե-  
ցաւ ու մտածում էր, թէ ինչու հա-  
մար է հրեշտակը իւր մօտ գալիս և  
ողջունում: Հրեշտակն ասաց. «Մի վա-  
խիր, Մարիամ, Աստուած ըեզ շատ  
է սիրում, զու մի որդի կունենաս և  
նրա անունը Յիսուս կդնես: Նա Աստր-  
ծու որդի կկոչուի, բոլոր մարդկանց  
կիսրատի, կքարոզի և նրանց Փրկիչը  
կլինի»:

Մարիամը խոնարհ կերպով պա-  
տասխանեց և ասաց. «Ես Աստծու ա-  
ղախինն եմ, ինչպէս նրա կամքն է,  
թող այնպէս էլ լինի»: Սրանից ետոյ  
հրեշտակը հեռացաւ Մարիամից:


Գաբրիէլ հրեշտակի Մարիամ կուսին աւետիք տալը տօնում ենք ապրիլի 7-ին։ Այս տօնի անունն է Աւետումն։

### 8. ՔՐԻՍՏՈՍԻ ԾՆՈՒՆԴԸ

Հին ժամանակ, երբ թագաւորներն ուզում էին իմանալ, թէ իրանց երկրի մէջ քանի մարդ կայ, հրամայում էին ամենին, որ գնան իրանց հայրենի քաղաքը՝ այնտեղից ուցակի մէջ գրուեն և ապա սկսում էին համարել։ Այդպիսի մի հրաման դուրս եկաւ հէնց Յիսուս Քրիստոսի ծննդեան ժամանակ։

Յիսուսի ծնողները—Յովսէփին ու Մարիամը կենում էին Նազարէթ քաղաքում։ Բայց որովհետեւ Յովսէփը բեթղեհէմցի էր, այդ պատճառով վեր կացաւ և եկաւ իւր հայրենի քաղաքը։ Յովսէփին աղքատ էր. քաղաքի մէջ չկարողացաւ տուն վարձել, դրա հա-

մար վեր եկաւ քաղաքից դուրս մի



այրում, ուր հովիւները վատ եղանակին իրանց ոչխարներն էին բերում։

Այդ գիշեր Յիսուսը ծնուեց։ Ծը-  
նողները փաթաթեցին նրան բարուրի  
մէջ և դրին մարում։

Բեթղեհէմը մեր երկրի նման ցուրտ  
չէ, այնտեղ տաք է—ձմեռը դրսում  
կարելի է քնել։ Այն երկրի հովիւնե-  
րը ամառ ձմեռ իրանց ոչխարները  
դուրսն էին պահում, միայն անձրևա-  
յին եղանակին այրն էին բերում։

Երբ Յիսուս ծնուեց, ոչ ոք չգի-  
տէր—հովիւները դաշտումն էին և ի-  
րանց ոչխարներն էին պահում։ Յան-  
կարծ օդի մէջ մի հրեշտակ երևաց։  
Այս բանից հովիւները վախեցան։ Հը-  
րեշտակն ասաց. «Մի վախենաք, ես  
ձեզ և բոլոր մարդկանց մեծ ուրախու-  
թիւն եմ յայտնում — ձեզ համար  
Բեթղեհէմում Փրկիչ է ծնուել, նա  
այրումն է, բարուրում փաթաթած և



մսրի մէջ դրած»։ Այս խօսքերից ետոյ յանկարծ բազմաթիւ հրեշտակներ երևացին, որոնք երգում էին և ասում. «Փառք ’ի բարձունս Աստուծոյ և յերկիր խաղաղութիւն, ’ի մարդիկ հաճութիւն» — փառք Աստծուն երկնքումը, այսուհետև երկրիս վրայ խաղաղութիւն և մարդկանց մէջ սէրու միաբանութիւն կլինի։

Երգելուց ետոյ հրեշտակները հեռացան։ Հովիւներն ասացին մէկ մէկու. «Գնանք Բեթղեհէմ և տեսնենք այս ինչ բան է, որ Աստուած ցոյց տուեց մեզ»։ Նրանք շտապով եկան և գտան Մարիամին, Յովսէփին և մանուկին բարուրի մէջ փաթաթած ու մսրում դրած։ Երբ տեսան, փառք տուին Աստծուն, երկրպագեցին մանուկին, այրից դուրս եկան և ամեն պատահողի աւետիք էին տալիս ու ասում, թէ Փրկիչը ծնուել է։

296/2 - 67

Յիսուսի ծնունդը կատարում ենք յունուարի 6-ին։


## Շարական ծննդեան

Խորհուրդ մեծ և սբանչելի,  
Որ յայսմ աւուր յայտնեցաւ,  
Հովիւր երգեն ընդ հրեշտակս՝  
Տան աւետիս աշխարհի։

Այսօր մեծ և զարմանալի խորհուրդ յայտնուեց — հովիւները հրեշտակների հետ երգումեն և աշխարհին աչքալոյս տալիս։

Ծնաւ նոր արքայ  
, ի Բեթղեհէմ բաղաքի,  
Որդիք մարդկան օրհնեցէք,  
Զի վասն մեր մարմնացաւ։

Նոր թագաւոր ծնուեց Բեթղեհէմ քաղաքում, մարդիկ, օրհնեցէք նրան, որովհետև նամեզ համար ծնուեց։




9. ՔԱԹԱՍՈՒՆ ՕՐԱԿԱՆ ՅԻՍՈՒԽԻՆ ՏԱՆՈՒՄ-  
ԵՆ ՏԱՃԱՐ

Հրէաների մէջ սովորութիւն կաք  
—ով անդրանիկ և արու զաւակ էր  
ունենում, քառասուներորդ օրը մա-  
նուկին տանում էին Երուսաղէմի տա-  
ճարը, նուիրում Աստծուն. Ետոյ զոհ  
էին անում, ետ զնում և դառնում  
իրանց տուն։ Հարուստ ծնողները զո-  
հում էին մի գառը, իսկ աղքատները՝  
մի զոյգ աղաւնի կամ տատրակ։

Երբ Յիսուս քառասուն օրական  
դարձաւ, ծնողները նրան էլ տարան  
Երուսաղէմի տաճարը։ Եւ որովհետեւ  
նրանք աղքատ էին, հետները վերց-  
րին մի զոյգ աղաւնի։

Այդ ժամանակ Երուսաղէմում կե-  
նում էր մի ծերունի մարգարէ։ Սի-  
մէօն անունով։ Նա խնդրել էր Սուրբ  
Հոգուն՝ մինչև Յիսուսին աչքով շտես-

նէ, չմեռնի։ Երբ Յիսուսին տաճար  
բերին, Սիմէօն ծերունին իմացաւ նրա  
դալը. դուրս եկաւ նրա առաջ. գըր-



կեց. Վիառը տուեց Աստծուն և ասաց.  
«Տէր Աստուած, այժմ առ իմ հոգին,  
որովհետեւ ես տեսայ Փրկչին, որին  
սպասում էի»։ Յովաէփին ու Մարիամը

զարմանում էին այս խօսքերի վրայ։  
Տաճարում մի կին մարգարէ էլ  
կար՝ Աննա անունով։ Սա ևս ճանաչեց  
Յիսուսին. փառաբանում էր Աստծուն  
և ամենին պատմում, թէ նա այն  
Փրկիչն է, որ Աստուած խոստացել է։

Այս տօնը կատարում ենք Փետրուարի 14-ին.  
տօնի անունն է—Տեռոնընդառաջ։

#### 10. ՏԱՄՆԵՐԿՈՒ ՏԱՐԵԿԱՆ ՅԻՍՈՒԽ ԳՆՈՒՄ Է ՏԱՃԱՐ

Հրէաները մեզ նման ամեն քա-  
ղաքում և գիւղում եկեղեցի չունէին։  
Նրանք միայն մի տաճար ունէին ամ-  
բողջ երկրի մէջ՝ այն էլ Երուսաղէմ  
քաղաքում։ Դրա համար ամեն տարի  
հեռու տեղերից բազմաթիւ ուխտա-  
ւորներ էին գալիս, մանաւանդ Զատ-  
կի տօնին։ Ուխտաւորներն այնքան  
շատ էին լինում, որ քաղաքի մէջ  
այլևս տեղ չէր լինում, դրա համար

քաղաքից դուրս՝ լեռների վրայ վրան-  
ներ էին խփում և այնտեղ կենում։  
Տօնը տեսում էր եօթն օր։ Փոքրերին  
չէին տանում հետները, վախենում-  
էին, որ բազմութեան մէջ չկորչեն։  
Յիսուսի ծնողներն էլ Զատկի տօ-  
նին ամեն տարի ուխտ էին գնում։  
Երբ Յիսուս տասն երկու տարեկան  
դարձաւ, առաջին անգամ նրան էլ  
հետները տարան։

Տօնի օրերն անցան։ Ծնողները կա-  
մենում էին Նազարէթ դառնալ, բայց  
յանկարծ տեսան, որ մանուկ Յիսու-  
սը չկայ։ Քաղաքի մէջ շատ փնտռե-  
ցին, բայց չգտան։ Կարծեցին թէ ծա-  
նօթների կամ հարևանների հետ Նա-  
զարէթ դարձած կլինի, դրա համար  
Երուսաղէմից դուրս եկան. մի օրուայ  
ճանապարհ եկան. հասան իրանց ծա-  
նօթներին. հարց ու փորձ արին, բայց  
չգտան։ Նորից ետ դարձան Երուսա-

դէմ, մի օր էլ այնտեղ փնտուեցին և




Երրորդ օրը գտան նրան տաճարում։

Յիսուս այնտեղ վիճաբանում էր վարդապետների հետ—նրանց հարցեր էր տալիս և պատասխանում առաջարկած հարցերին։ Ամենքն էլ զարմանում էին նրա իմաստուն պատասխանների վրայ և ասում—՞րտեղից գիտէ սա այսքան բաներ։ Ծնողները, երբ Յիսուսին տեսան, շատ ուրախացան։ Մայրն ասաց. «Որդեակ, այդ ինչ բերիր մեր զիսին—երեք օր է՝ ես և հայրդ քեզ փնտում ենք»։ Յիսուս պատասխանեց. «Միթէ չգիտէիր, որ ես իմ հօր տանը կլինեմ»։ Արանից ետոյ Յիսուս ծնողների հետ դարձաւ Նազարէթ. նա հնազանդ էր—լսում էր նրանց խօսքին և օգնում հօրը հիւսնութեան մէջ։

### 11. ՅԻՍՈՒՍԻ ՄԿՐՏՈՒԹԻՒՆԸ

Յորդանան գետի ափերում մի

իմաստուն մարդ էր բնակւում՝ Յովհաննէս անունով։ Նա մարդարէ էր, քարոզում էր—մարդիկ ամեն կողմից




գալիս էին նրա մօտ, խորհուրդ էին հարցնում և խոստովանում իրենց մեղքերը՝ սխալները։ Ով խոստանում էր

չկրկնել իւր սխալները, Յովհաննէսը նրան մկրտում էր Յորդանան գետի մէջ և ասում—ես քո մարմինը մաքրեցի, գնա դու էլ սիրտդ մաքրիր։

Յիսուսն էլ եկաւ Յովհաննէսի մօտ մկրտուելու։ Նա արդէն երեսուն տարեկան էր։ Յիսուս դեռ չէր մօտեցել Յովհաննէսին, որ նա հեռուից ճանաշեց նրան և բարձր ձայնով ասաց իւր մօտ կանգնողներին. «Ա՛յ, տեսէք Աստծու գառը գալիս է, նա պէտք է մարդկանց ազատէ իրանց մեղքերից»։

Յիսուս մօտեցաւ Յովհաննէսին և յայտնեց, որ կամենում է նրանից մըկրտուել։ Յովհաննէսը գարմացաւ և ասաց. «Ե՛ս պէտք է ըեզնից մկրտուեմ, դժւ ես ինձ մօտ գալիս»։ Յիսուս պատասխանեց. «Մկրտիր ինձ, որովհետեւ դու տարիքով ինձնից մեծ ես»։ Մըրանից ետոյ Յովհաննէսն էլ չհակա-

ուակեց և մկրտեց Յիսուսին Յորդա-  
նան գետի մէջ։



Երբ Յիսուս մկրտուեց և ջրից  
դուրս եկաւ երկինքը բացուեց և

Սուրբ Հոգին աղաւնու կերպարանքով  
իջաւ նրա վրայ, իսկ հայր Աստուածն  
էլ վերևից ձայն տուաւ. «Դա է իմ  
սիրելի որդին, որին ես հաւանեցի,  
դրան լսեցէք»։

Մինչև այժմ շատ ըիչ մարդիկ  
գիտէին, թէ Յիսուս Աստծու որդին  
էր, բայց հիմա ամենքն էլ պարզ կեր-  
պով տեսան և հաւատացին, որ նա  
Աստծու որդին է։ Դրա համար էլ մը-  
կրտութեան օրը մարդիկ իրար շնոր-  
հաւորում են և ասում. «Շնորհաւոր  
յայտնութիւն»։

Յիսուսի մկրտութեան տօնը կատարում ենք  
Յունուարի 6-ին։ Նոյն օրը կատարում ենք և  
ծծղեան տօնը։

## 12. ՅԻՍՈՒՍ ՔԱՐՈՁՈՒՄ Է ԵՒ ԲԺՇԿՈՒՄ

Յիսուս իւր մկրտութիւնից ետոյ  
սկսեց շրջել երկրի մէջ և ամեն տեղ  
քարոզում ու բժշկում էր—կոյրերին

աշք էր տալիս, կաղերին՝ ոտք, խու-  
լերին, լսողութիւն և մեռելներին՝ յա-



ըռւթիւն։ Յիսուս օր ու գիշեր հան-

գիստ չունէր, ման էր գալիս ամեն  
տեղ և քարոզում—տխուրներին մը-  
խիթարում էր, հարուստներին ասում-  
էր, որ իրանց ունեցածից աղքատնե-  
րին էլ բաժին տան. ամենին խրատում-  
էր, որ միմեանց օգնեն և սիրեն ի-  
րար՝ ինչպէս ինքն է սիրում ամենին։  
Փոքրերին խրատում էր, որ ծնողնե-  
րին լսեն և ուսուցիչներին յարգեն։  
Յիսուս այնպէս սիրուն էր քարոզում,  
որ ժողովուրդն էլ չէր գնում քահա-  
նաների մօտ, այլ միշտ գալիս էր  
նրա քարոզը լսելու։ Քահանաները նա-  
խանձում էին և ասում—եթէ այս-  
պէս թողնենք, ամենքն էլ Յիսուսի  
մօտ կգնան, էլ մեզ մօտ ոչ ոք չի  
գայ, մեր պատիւը և արդիւնքը կպա-  
կասի։ Այս պատճառով քահանաները  
թշնամացան Յիսուսի հետ և մտա-  
ծում էին նրան սպանել։

Յիսուս ինչ որ խօսքով քարոզում-

Էր, նոյնը գործով էլ ցոյց էր տալիս,  
իսկ քահանաները միայն ասում էին,  
իսկ իրանց ասածները իրանը էլ չէին  
կատարում։

13. ՄԱՐԻԱՄ ԵՒ ՄԱՐԹԱ

Մի անգամ Յիսուս քարոզելով  
եկաւ իւր ծանօթ Ղազարոսի մօտ, որ  
կենում էր Բեթանիա գիւղում՝ Երու-  
սաղէմին մօտիկ։ Ղազարոսը երկու  
քոյր ունէր, մէկի անունը Մարթա  
էր, իսկ միւսին՝ Մարիամ։ Երկու քոյրն  
էլ Յիսուսին շատ էին սիրում։ Երբ  
իմացան որ Յիսուս հիւր է եկել, էլ  
չգիտէին թէ ինչպէս պատիւ տան նը-  
րան։ Մարիամը նստեց Յիսուսի մօտ  
և ուշադրութեամբ լսում էր նրա ա-  
սածները։ Իսկ Մարթան մեծ պատ-  
րաստութեան մէջ էր—աշխատում էր



տեսակ-տեսակ կերակուրներ պատ-  
րաստել Յիսուսի համար:

Մարթան երբ տեսաւ, որ Մարիա-  
մը չի գալիս իրան օգնելու, եկաւ Յի-  
սուսի մօտ և ասաց. «Տէր, տեսնում-  
ես, որ քոյրս ինձ մենակ է թողել, ա-  
սա, որ գայ և ինձ օգնէ»: Յիսուս  
պատասխանեց. «Մարթա, Մարթա,  
կարիք չկայ այդքան կերակուրներ  
պատրաստելու, մի տեսակ էլ որ լինի,  
բաւական է ինձ համար: Դու կարող-  
ես քո քոյր Մարիամից օրինակ վերց-  
նել, նա աւելի լաւ ձեռվ է պատռում  
ինձ՝ նա լսում է իմ քարոզները—  
ով ինձ սիրում է, թող իմ խօսքերը  
լսէ և կատարէ»:

Սրանով Յիսուս մեզ սովորցնում-  
է, որ Մարթայի պէս աշխատասէր  
լինենք և Մարիամի նման մեծի  
խօսքը լսող:

Յիսուս ունէր տասներկու աշա-  
կերտ. Նրանք կոչւում են առաքեալ-  
ներ: Սրանցից մէկը, որի անունը Յու-  
դայ էր, լաւ մարդ չէր, աչքածակ էր,  
փող շատ էր սիրում: Զատիկը մօ-  
տեցել էր: Այդ տօնից առաջ Յուդան  
ծածուկ գնաց Յիսուսի թշնամիների՝  
քահանաների մօտ և ասաց. «Ի՞նչ  
կտաք ինձ, որ Յիսուսին ձեզ մատ-  
նեմ»: Նրանք ուրախացան և երեսուն  
արծաթ փող խոստացան:

Այնուհետև Յուդան յարմար ժա-  
մանակ էր փնտռում՝ թէ ինչպէս Յի-  
սուսին մատնէ, որ նա չիմանայ: Բայց  
Յիսուս Աստծու որդի էր, նա ամեն  
բան գիտէր: Յիսուս տեսաւ, որ Յու-  
դան իրեն պիտի մատնէ և իւր մահը  
մօտենում է, ուզեց վերջին անգամ  
իւր բոլոր աշակերտների հետ միա-

սին Զատկի ընթրիքն ուտել: Յիսուս  
կամեցաւ էլի մի անգամ սրտանց  
խօսել նրանց հետ, խրատել և այնպէս  
բաժանուել:

15. Ո Տ Ն Ա Լ Ո Ւ Ա Յ

Երեք օր էր մսացել մինչև հրէա-  
ների Զատիկը: Այդ օրերում նրանք  
ուտում էին բաղարջ հաց և խորո-  
ված զառը: Աւագ հինգշաբթի օրը  
Յիսուս պատուիրեց իւր աշակերտ-  
ներին վերնատան մէջ ընթրիք պատ-  
րաստել, որ զատիկը միասին կատա-  
րեն: Աշակերտներն էլ այնպէս արին,  
ինչպէս որ ուսուցիչը պատուիրեց: Ե-  
րեկոյեան Յիսուս տամն և երկու ա-  
ռաքեալների հետ սեղան նստեց և ա-  
սաց. «Սրտով ցանկացայ այս ընթ-  
րիքը ձեզ հետ ուտել՝ մահիցս առաջ»:  
Հրէաները սովորութիւն ունեին

հացից առաջ լուացուել, ուստի Յի-  
սուս այս ասելուց ետոյ՝ ընթրիքից  
վերկացաւ, հանեց վերևի շորերը, մէջ-  
քին սրբիչ կապեց, ջուրն ածեց կոն-



քի (աւագանի) մէջ, սկսեց աշակերտ-  
ների ոտները լուալ և սրբել: Ոտ-  
ները լուալուց ետոյ Յիսուս ասաց  
իւր աշակերտներին. «Տեսաք ես ինչ  
արի: Դուք ինձ կանչում էք տէր և

վարդապետ, շատ էլ լաւ էք անում։  
Եթէ ես խոնարհութիւն արի և ձեր  
ոտները լուացի, ուրեմն դուք էլ ա-  
մենի հետ այդպէս խոնարհ պիտի  
վարուէք»։

Սրանից ետոյ ընթրիքի նստեց և  
տիսուր ձայնով ասաց իւր աշակերտ-  
ներին. «Զեզնից մէկն այս գիշեր ինձ  
պիտի մատնէ»։ Այս նրա համար ա-  
սաց, որ իրան մատնող աշակերտն  
զգուշանայ, սխալն ուղղի, բայց իգուր։  
Յուղան այնպէս էր ցոյց տալիս իրան,  
որպէս թէ ինքը չէ մատնողը և ոչինչ  
չգիտէ»։

Աշակերտներն այս խօսքերի վրայ  
տրտմեցան և միմեանց էին նայում—  
չգիտէին թէ ում մասին է ասում։ Ա-  
մեն մէկը տեղից վեր էր կենում և  
հարցնում. «Տէր, միթէ ես եմ»։ Յու-  
ղան էլ հարցրեց. «Միթէ ես եմ, վար-  
դապետ»։ Յիսուս պատասխանեց. «Դու-

ես ասում, թէ ես եմ», ետոյ աւե-  
լացրեց. «Գնա, ինչ անելու ես, շու-  
տով արա»։ Յուղան երբ տեսաւ, որ  
Յիսուս ամեն բան գիտէ, ամօթից էլ  
չկարողացաւ մնալ այնտեղ, վերկացաւ  
և գնաց նրա թշնամիների մօտ։ Ար-  
դէն երեկոյ էր—միջնել էր»։

Աւագ հինգշաբթի օրը քահանան եկեղեցում  
կատարում է ոտնալուայի կարգը և կարագ իւղ  
է բաժանում։

## Ոտնալուայի շարական

Այսօր կանգնեցաւ  
Աւագան մկրտութեան  
'Ի թողութիւն մեղաց մերոց։  
Այսօր հաստատուեց մկրտութեան աւագան  
մեղքերի թողութեան համար։

Այսօր Տէրն մեր  
Լուանայր զոտս աշակերտաց  
Եւ պատուիրէր զայս ասելով։  
Այսօր մեր տէր Յիսուս լուանում էր իւր  
աշակերտների ոտները՝ պատուիրելով ասում էր.

Ժանեց և ասաց. «Առէք, կերէք այս է  
իմ մարմինը»։ Ետոյ մաքուր զինին



Մի ոմն ի ձէնջ, եղբարք,  
Մատնելոց է զիս 'ի մահ  
Եւ որոշի յաշակերտացդ։

Զեզնից մէկը, եղբայրներ, ինձ մահուան  
պիտի մատնէ և բաժանուի աշակերտաներիցդ։

#### 16. ԽՈՐՀՌԴԱԿՈՐ ԸՆԹՐԻՔ

Երբ Յուղան դուրս գնաց, Յիսուս  
ասաց. «Զեզ մօտ երկար չեմ կարող  
մնալ, շուտով պիտի հեռանամ ձեզնից,  
բայց դուք իրար այնպէս պիտի սիրէք՝  
ինչպէս որ ես եմ ձեզ սիրել—սրա-  
նով ամենըն էլ կիմանան, որ դուք  
իմ աշակերտաներն էք»։

Բացի սրանից Յիսուս կամեցաւ  
մի ուրիշ յիշատակ էլ թողնել, որ  
երբ ինքն այլևս երկրի վրայ չի լի-  
նի, իրան միշտ յիշեն։ Ուստի ընթ-  
րիքից ետոյ առաւ բաղարջ հաց, օրհ-  
նեց, կոտրտեց, աշակերտաներին բա-

առաւ, օրհնեց, տուեց նրանց և ա-  
սաց. «Խմեցէք ամենըդ, սա իմ ա-

ըիւնն է—ամեն անդամ, երբ այս հացը ուտէք և այս բաժակից խմէք, չիշեցէք ինձ»:

Մենք էլ այժմ այդպէս ենք անում: Տօն օրերին քահանան պատարագ է անում և հացն ու գինին օրհնում: Յանկացողները գնում են եկեղեցի, քահանային խոստովանում են իրենց մեղքերը և պատարագից ետոյ հաղորդում Յիսուսի մարմնով և արիւնով: Սա միևնույն է, ինչ որ Յիսուս վերնատանը կատարեց:

#### 17. ՅԻՍՈՒՍ ԳԵԹՍԵՄԱՆԻ ՊԱՐՏԻԶՈՒՄ

Հացն օրհնելուց ետոյ՝ Յիսուս իւր աշակերտների հետ դուրս եկաւ երուսաղէմից և բարձրացաւ Զիթենեաց լեառը: Այստեղ Յիսուս ասաց աշակերտներին. «Ինձ այս գիշեր կրոնեն, իսկ դուք ամենքդ էլ կթողնէք ինձ և կփախչէք»: Բոլոր աշակերտները միա-


բերան ասացին. «Կմեռնենք, բայց բեզ մենակ չենք թողնի ու փախչի»:



Զիթենեաց լերան կողքին մի պարտէզ կար՝ անունը Գեթսեմանի: Յի-

սուս այստեղ եկաւ և ասաց իւր աշակերտներին. «Սպասեցէք այստեղ, աղօթեցէք, արթուն կացէք, չընէք, որ փորձութեան մէջ չընկնէք»։ Իսկ ինըը հետը վերցրեց աշակերտներից երերին, մի փոքր առաջ գնաց, երեսի վրայ ընկաւ և այսպէս էր աղօթում. «Հայր, եթէ կարելի է, այս չարչարանը (բաժակը) հեռացընալ ինձնից, բայց եթէ չես կամենայ, բո կամքն է»։ Յիսուս աղօթըից դարձաւ, տեսաւ որ աշակերտները քնել են և նորից ասաց. «Արթուն կացէք և աղօթեցէ՛ք, որ փորձութեան մէջ չընկնէք»։ Այս ասաց, դարձեալ հեռացաւ աշակերտներից և նոյն ձևով աղօթեց։ Այն ժամանակ Աստուած հրեշտակին ուղարկեց, որ զօրացնէ Քրիստոսին։ Երեք անգամ այսպէս աղօթելուց ետոյ՝ Յիսուս դարձաւ և աշակերտներին էլլքնած գտաւ ու ասաց. «Քանի՞ քնէք,

հասաւ ժամը, երբ Յուղան ինձ պի-



տի մատնէ, վեր կացէ՛ք, ահա գալիսէ նա»։

44

## 18. ՅԻՍՈՒՄԻ ՄԱՏՆՈՒԹԻՒՆԸ

Այս խօսքերից ետոյ Յուդան բագ-



մաթիւ զինուորներով ներս մտաւ

պարտէզ՝ սրերով և լապտերներով։ Եկողները Յիսուսին չէին ճանաչում, որա համար էլ Յուդան առաջուց նրան էր տուել, թէ ում որ համբուրեմ, իմացէ՛ք Յիսուսը նա է, նրան բռնեցէ՛ք։

Մատնիչը մօտեցաւ Յիսուսին, համբուրեց և ասաց. «Բարե, վարդապէտ»։ Յիսուս պատասխանեց. «Յուդա, համբուրելով ես մատնում ինձ»։ Այն ժամանակ զինուորները մօտեցան Յիսուսին, բռնեցին և կապեցին, իսկ աշակերտները թողին և փախան։

## 19. ՅԻՍՈՒՄ ՔԱՀԱՆԱՅԱՊԵՏԻ ԱՌԱՋ


Զինուորները Յիսուսին կապած տարան քահանայապետի մօտ։ Այսեղ ժողոված էին Քրիստոսի թշնամիները, որ նրա համար մահու պատիժ նշանակեն։ Քրիստոս ի հարկէ արդար

Էր—նա Աստծու որդի էր, բացի լաւութիւնից ոչ մէկին վատութիւն չէր արել, որ մեղաւոր դուրս բերեն, որպէսզի կարողանան սպանել տալ։ Դրա համար սուտ վկաներ պատրաստեցին, ոյոնք հաստատում էին, թէ Յիսուս Աստծուն հայրոյել է, իսկ Աստուած հայրոյողին, հրէաների օրէնքով, սպանում էին։ Այստեղ թքեցին Յիսուսի երեսին. բռունցը ծեծեցին, ծաղրեցին և մինչև լոյս չարչարեցին։

20. ՅՈՒԴԱՅԻ ՄԱՀ

Յուդան երբ տեսաւ, որ իւր մատնութիւնով վճռեցին Յիսուսին սպանել, խիղճը տանջեց, վեր առաւ երեսուն արծաթը, տարաւ, ետ տուեց բահանայապետներին ու ասաց. «Ես սըխալուեցի, անմեղ մարդու մատնեցի»։ Նրանք էլ պատասխանեցին. «ՄԵՊ ինչ, դու գիտե՞ս, ինչ ուզում ես արա»։

Յուդան, երբ տեսաւ որ Յիսուսին չի կարող օգնել, փողը ձգեց բահանայապետների առաջ և գնաց, խեղդուեց,




որովհետեւ քանի յիշում էր Յիսուսի արած լաւութիւնները և իւր վատութիւնը, չգիտէր թէ ինչ անէր, բռն չունէր հանգիստ չունէր։

## 21. ՅԻՍՈՒՄ ՊԻՂԱՏՈՍԻ ԱՌԱՋ

Հինգշաբթի գիշեր հրէաները Յիսուսի համար, իրանց օրէնքով, մահուան վճիռ նշանակեցին, բայց մինչև որ երկրի մեծ դատաւոր Պիղատոսն իրանց վճիռը չհաստատէր, իրաւունք չունէին Յիսուսին սպանել, ուստի ուրբաթ առաւօտը վաղ՝ կապած տարան Պիղատոս դատաւորի մօտ, որ իրանց վճիռը հաստատէ:

Պիղատոսը դուրս եկաւ նրանց մօտ և ասաց. «Ի՞նչ գանգատ ունիք այս մարդու վրայ»: Նրանք պատասխանեցին. «Դա ժողովրդին մոլորեցնում է, ասում է թագաւորին հարկ մի՛ տաք և իրան թագաւոր է անուանում»: Այս որ լսեց Պիղատոսը, Յիսուսին ներս տարաւ իւր սենեակը, բննեց և տեսաւ որ բոլորն էլ սուտ է—նախանձում են, որ Յիսուս իրանցից լաւ է բարողում և իրանց սխալները բըռ-

նում է: Պիղատոսը դուրս բերաւ Յի-



սուսին և յայտնեց հրէաներին, որ նա արդար է:

լու հրամանն ստացան, հէնց նոյն օրը



առաւօտեան զինուորները վեր առան  
նրան և տարան, որ խաչեն:

Քահանայապետները և ժողովուր-  
դը, երբ տեսան որ Յիսուս պիտի ա-  
զատուէ, սկսեցին աւելի բարձր աղա-  
ղակել և ասել. «Եթէ դու մեր վճիռը  
չես հաստատի, կայսեր մօտ քեզնից  
գանգատ կանենք»: Պիղատոսը վախե-  
ցաւ հրէաներից՝ չլինի թէ իրա մա-  
սին էլ այսպիսի ստեր հնարեն և մէկ  
էլ չէր ուզում մի մարդու համար  
հրէաների մեծամեծներին նեղացնել  
ուստի վեր առաւ ջուր, ձեռները  
լուաց նրանց առաջ և ասաց. «Ես  
Յիսուսին մեղաւոր չեմ գտնում, դուք  
զիտէք, տարէ՛ք, ինչ ուզում էք, ա-  
րէ՛ք—խաչեցէք»: Ժողովուրդը միա-  
բերան աղաղակեց և ասաց. «Թո՛ղ դրա  
արիւնը մեր և մեր որդւոց գլխին  
լինի»:

22. ՅԻՍՈՒՍԻ ԽԱՉԵԼՈՒԹԻՒՆԸ

Երբ հրէաները Յիսուսին խաչե-



ընկաւ խաչափայտի տակ:

Երուսաղէմի մօտ մի  
բլուր կար՝ ա-  
նունը Գողգո-  
թա: Որոշե-  
ցին, որ Յիսու-  
սին այնտեղ  
խաչեն:


Յիսուս ին-  
քըն էր տա-  
նում իւր խա-  
չափայտը:  
Եւ որովհետև  
հինգշաբթի  
ամբողջ գի-  
շերը չէր քը-  
նել, սաստիկ  
յոգնել էր,  
ուստի ճանա-  
պարհին վայր

Երբ Գողգոթա հասան, Յիսուսի  
ձեռները և ոտները փայտերի վրայ  
մեխեցին—խաչեցին: Պիղատոսը խա-  
չի վերեսում մի տախտակ կախեց և  
նրա վրայ գրել տուեց, թէ Յիսուսին  
ինչու են պատժում: Տախտակի վրայ  
գրուած էր—«Յիսուս Ասզովրեցի  
Հրէաների Թագաւոր»: Յիսուսի հետ  
երկու աւազակ էլ խաչեցին, մինը աջ  
կողմում, իսկ միւսը՝ ձախ:

Թէև հրէաները խաչեցին Յիսու-  
սին, բայց նա էլի աղօթում և խնդ-  
րում էր Հայր Աստծուն, որ չպատժէ  
նրանց: Իսկ հրէաներն ընդհակառակը  
ծաղրում էին և ասում. «Եթէ դու  
Աստուած ես, եթէ դու հրէաների թա-  
գաւորն ես, ինչու չես աղատում  
քեզ»:

Յիսուսի խաչի մօտ էին կանգնած  
նրա մայրը և Յովհաննէս աշակերտը:  
Յիսուս շատ էր մտածում մօր համար

և ցաւում էր նրա վրայ, ուստի Յով-



հաննէսին յանձնեց, որ պահէ մօրը։

Այն օրից սկսած՝ Մարիամը Յովհան-  
նէսի մօտն էր ապրում մինչև իւր  
մահը։

Ժամը իննին խաչեցին Յիսուսին,  
իսկ ժամը երեքին ճաշից ետոյ ասաց.  
«Ծարաւ եմ»։ Զինուորներից մինը  
խղճաց նրան, սպունզը բացախի մէջ  
թաթախեց, երկար փայտի ծայրին  
դրաւ և Յիսուսի շրթունքին մօտեց-  
րեց, որ ճաշակէ և ցաւը մեղմէ։

Սրանից ետոյ Յիսուս բարձր ձայ-  
նով ասաց. «Հայր, հոգիս ըեզ եմ  
յանձնում»։ Այս ասաց, գլուխը կա-  
խեց և հոգին աւանդեց։

Այդ ժամանակ արևը խաւարեց,  
երկիրը շարժուեց և ժայռերը պա-  
տառուեցան։ Այս որ տեսան, ամենըը  
լաց էին լինում և ասում. «Ուղիղ որ  
Յիսուս Աստծու որդի էր և մենք նը-  
րան իզուր տեղը խաչեցինք»։

Սուրբ Աստուած, սուրբ և հզօր, սուրբ և  
անմահ, որ խաչեցար վասն մեր ողորմեա մեզ:

## 23. Թ Ա Ղ Ո Ւ Մ


Ուրբաթ երեկոյ Յիսուս մեռաւ:  
Միւս օրը շաբաթ էր—հրէաների Զա-  
տիկը—եթէ Յիսուսին խաչի վրայ  
տեսնէին, հանգիստ սրտով Զատկի  
գառը չէին ուտի, դրա համար էլ զը-  
նացին Պիղատոսի մօտ և խնդրեցին,  
որ իրաւունք տայ Յիսուսի մարմինը  
խաչի վրայից վերցնեն: Պիղատոսը,  
երբ իմացաւ Յիսուսի մահը, մի քա-  
նի զինուոր ուղարկեց Գողգոթա ի-  
մանալու՝ արդեօք Յիսուսը մեռել է,  
թէ ոչ:

Զինուորներից մինը կամեցաւ ճրշ-  
տել Յիսուսի մահը, ուստի վեր ա-  
ռաւ գեղարդը, ծակեց կողը, որտեղից  
արիւն և ջուր բղխեց, որ նշանակում-  
է, թէ նոր է մեռել:

Պիղատոսը, երբ ստուգեց Յիսու-  
սի մահը, թաղման իրաւունքը տուաւ:

Սրանից ետոյ մի իշխան մարդ՝  
անունը Յովսէփ, որ Յիսուսի ծածուկ  
աշակերտն էր, Պիղատոսից խնդրեց,  
որ մարմինն իրան բաշխեն: Մի ու-  
րիշ աշակերտ էլ՝ Նիկողիմոս անու-  
նով, եկաւ և բերաւ անուշահոտ խըն-  
կեր և կտաւ: Սրանք երկուսով գը-  
նացին Գողգոթա, Յիսուսի մարմինը  
խաչից վայր բերին, օծեցին, պատա-  
նեցին և թաղեցին:

Յովսէփը իւր պարտիզում իրեն  
համար մի գերեզման ունէր պատ-  
րաստած: Բայց որովհետև Յիսուսին  
շատ էր սիրում, ուստի իւր գերեզ-  
մանը նրան տուաւ: Ահա այստեղ  
դրին Յիսուսի մարմինը՝ մի մեծ  
քար էլ գլորեցին դրանն ու գը-  
նացին:



24. ՅԻՍՈՒՍԻ ՅԱՐՈՒԹԻՒՆԸ

**Ճ**արաթ օրը հրէաների կիւրակէն է—ոչ մի բանի ձեռք չեն տալիս, սըրա համար էլ այդ օրը ոչ ոք չգնաց Յիսուսի գերեզմանը տեսնելու։ Բայց

երբ շաբաթն անցաւ՝ կիւրակէ առաւոտը շատ վաղ՝ դեռ առևը դուրս չեկած՝ Մարիամ Մագթաղենացին և երկու ուրիշ կին զանազան անուշահոտ խնկեր պատրաստեցին և գնացին, որ մարմինն օծեն։

Կանայք ճանապարհին ասում էին միմեանց. «Ո՞վ կը գործ գերեզմանի բերնի մեծ բարը»։ Բայց երբ մօտեցան, տեսան, որ բարը դէն էր ձրգած գերեզմանի բերնից։ Մարիամ Մագթաղենացը վազեց աշակերտների մօտ՝ իմաց տալու այս բանը, իսկ միւսները գերեզման մտան և տեսան, որ մի երիտասարդ սպիտակ շորերով նստած է գերեզմանի վրայ՝ աջ կողմում—դա հրեշտակն էր։ Կանայք վախեցան։ Հրեշտակն ասաց նըրանց. «Մի վախենաք, ես գիտեմ՝ դուք խաչուած Յիսուսին էք որոնում, բայց ինչու էք կենդանին մե-

ռԵԼՆԵՐԻ մԵջ ՓՆՏՈՌՈՒՄ—Նա այստեղ



չէ, յարութիւն առաւ։ Գնացէք, ա-  
սացէք նրա աշակերտներին, որ Յի-

սուս նրանցից առաջ կզնայ Գալիլիա,  
այնտեղ կարող են տեսնել նրան,  
ինչպէս որ ինքն էլ առաջուց ա-  
սել է»։

Յիսուսի յարութիւն առած օրը մեծ տօն  
է. աօնի անունն է Զատիկ։ Այդ օրը կարմիր  
ձու են ներկում, գառը մորթում և պառա-  
պատրաստում։

### 25. ՅԻՍՈՒՍԻ ՀԱՄԲԱՐՁՈՒՄՆ

Յարութիւնից ետոյ Յիսուս 40 օր  
էլի մնաց երկրիս վրայ և շատ անգամ  
տեսնուեց իւր աշակերտների հետ։  
Քառասուն օրից ետոյ Յիսուս իւր  
աշակերտներին տարաւ Զիթենեաց  
լեառը և ասաց. «Ես այլ ևս ձեզ մօտ  
չեմ լինի, ես պիտի գնամ իմ Հայր  
Աստծու մօտ։ Դուք երուսաղէմից  
չհեռանաք, սպասեցէք այնտեղ, ես  
կլնղրեմ Աստծուն, որ նա իմ փոխա-  
րէն Սուրբ Հոգին ուղարկէ՝ ձեզ միի-

թարելու և օգնելու։ Եւ երբ Սուրբ  
Հոգին երկնքից ձեզ վրայ կիջնէ, դուք  
իսկոյն զօրութիւն կտանաք՝ ուղիշ  
մարդիկ կդառնաք. Ետոյ կերթաք ա-  
մեն տեղ և կըարողէք մարդկանց իմ  
մասին։ Սովորեցրէք նրանց այն ամե-  
նը, ինչ որ ինձնից ուսել էք։ Ով ձեր  
քարոզները լսէ, նրան մլրտեցէ՛ք Հօր,  
Որդու և Սուրբ Հոգու անունով։ Ով  
ձեզ կհաւատայ և կմլրտուէ, կազա-  
տուէ մեղքերից, իսկ ով չի հաւա-  
տայ, կպատժուի»։

Այնուհետև օրհնեց իւր աշակերտ-  
ներին և երկինք բարձրացաւ։ Բարձ-  
րանալու ժամանակ մի ամպ եկաւ և  
ծածկեց նրան՝ այնպէս որ աշակերտ-  
ներն այլ ևս չտեսան Յիսուսին։ Նը-  
րանք երկրպագեցին և ուրախ-ուրախ  
ետ դարձան երուսաղէմ և ամեն օր  
տաճարում օրհնում էին Աստծուն ու  
սպասում Սուրբ Հոգուն։



Համբարձման տօնը կատարում ենք Զատ-  
կից 40 օր ետոյ. տօնի անունն է Համբար-  
ձում։

## 26. ζ ο φ ε φ υ λ ο κ υ σ

Σωμεραρδοτμήσ Ետոյ առաքեալ-ները դարձան Երուսաղէմ և միասին էին վերնատանը։ Տասն օրից Ետոյ Երկնքից յանկարծ մի ձայն լսուեց՝ սաստիկ փշող բամու նման և լցրեց այն տունը, որտեղ նստած էին առաքեալները։ Սուրբ Հոգին կրակէ լեզուների նման առանձին-առանձին իջաւ իւրաքանչիւրի գլխին։ Այս միենոյն Սուրբ Հոգին Յիսուսի մկրտութեան ժամանակ աղաւնու նման իջաւ նրա վրայ։ Սրանից Ետոյ առաքեալները լցուեցան Սուրբ Հոգւով, շնորհներ ստացան և սկսեցին զանազան լեզուներով խօսել։

Այդ ժամանակ Երուսաղէմում կային՝ բացի Երուսաղէմացի հրէաներից, նաև աշխարհիո ամեն կողմերից ուխտ եկած շատ բարեպաշտ

հրէաներ։ Երբ Երկնքից իջնող ձայնը




լսուեց, ուխտաւորները շփոթուեցին և մի տեղ հաւաքուեցին։ Առաքեալ-

ներն սկսեցին ամենի հետ իրանց հասկանալի լեզուով խօսել։ Ամենքը զարմացած լսում էին, թէ առաքեալ-ներն ինչպէս ուրիշ-ուրիշ լեզուներով էին խօսում։ Ոչ ոք չէր հաւատում իւր լսածին ու տեսածին, սրա համար էլ մէկը միւսին հարցնում էր.  
 «Զէ՞ որ այս խօսողները բոլորն էլ գալիլիացիներ են, անուսում մարդիկ, տեսէք, ինչպէս մեր լեզուներով խօսում և պատմում են Աստծու մեծամեծ գործերը—այս ինչ բան է»։ Իսկ ոմանք էլ ծաղրում էին և ասում,  
 «Երեխ սրանք հարբած են»։

Այն ժամանակ Պետրոս առաքեալը տեղից վեր կացաւ և սկսեց այսպէս խօսել. «Ով հրէաստանցիներ և Երուսաղէմում բնակուողներ, լաւ լըսեցէք ինչ որ ձեզ բարողելու եմ—

մենք հարբած չենք, ինչպէս կարծում-էք, որովհետև դեռ առաւօտեան ժա-



մի ինն է, այդ ժամին մարդ գինի չի խմում։ Լսեցէք ով իսրայէլացիներ,

Աստուած Յիսուս Նազովրեցուն աշխարհ ուղարկեց. նա եկաւ և ձեր մէջ հրաշքներ գործեց: Դուք նրան չհաւատացիք և խաչեցիք, բայց Աստուած նրան երեք օրից ետոյ յարութիւն տուաւ. 40 օրից ետոյ երկինք համբարձաւ և այնտեղից մեզ համար Սուրբ Հոգին ուղարկեց: Այժմ մենք, որ զանազան լեզուներով ենք խօսում, դա ոչ թէ մեր շնորհն է, այլ՝ երկրներից եկած Սուրբ Հոգու:

Երբ այս քարոզը լսեց Ժողովուրդը զզջաց, խոստովանեց, որ սխալուելէ Յիսուսին խաչելով, ուստի շատերը գալիս էին Պետրոսի և միւս առաքեալների մօտ ու հարցնում. «Ի՞նչ անենք, որ մեր սխալն ուղղենք, այժմ հաւատում ենք նրան»: Պետրոսը պատասխանում էր և ասում նրանց .«Ապաշխարեցէք և մկրտուեցէք Յիսուս Քրիստոսի անունով: Ով կմկրտ-

ուէ, նա ևս մեզ նման Սուրբ Հոգու շնորհը կընդունէ»: Այդ օրը երեք հազար մարդ հաւատացին Պետրոսի խօսքերին, մկրտուեցին՝ քրիստոնեայ դարձան:

Հոգեգալստեան տօնը կատարում ենք Զատկից 50, իսկ Համբարձումից 10 օր ետոյ: Տօնի անունն է Հոգեգալստեան:



# Յ Ա Ն Կ

## Ա.

1. Յանուն Հօր.	3
2. Հայր մեր	3
3. Աղօթք դասից առաջ	4
4. » Ետոյ	5
5. » Բագաւորի համար	6

## Բ.

6. Ս. Կոյս Մարիամի ծնունդը և	7
7. Աւետումն	9
8. Քրիստոսի ծնունդը	12
9. Յիսուսին տանում են տաճար	18
10. 12 տարեկան Յիսուս գնում է տաճար	20
11. Յիսուսի մկրտութիւնը	23
12. Յիսուս քարոզում և բժշկում է.	27
13. Մարիամ և Մարթա	30
14. Յուդա	33
15. Ոտնալուայ	34
16. Խորհրդաւոր ընթրիք	38
17. Յիսուս Գեթսէմանի պարտիզում	40
18. Յիսուսի մատնութիւնը	44
19. Յիսուս քահանայապետի առաջ	45
20. Յուդայի մահը	46
21. Յիսուս Պիղատոսի առաջ	48
22. Յիսուսի խաչելութիւնը	50
23. Թաղում	56
24. Յիսուսի յարութիւնը	58
25. Յիսուսի համբարձումը	61
26. Հոգեգալուստ	64

PROBLEMS AND QUESTIONS IN

THE HISTORY OF

1. What was the name of the first king of England?  
2. Who was the first King of France?  
3. Who was the first King of Spain?  
4. Who was the first King of Portugal?  
5. Who was the first King of Scotland?  
6. Who was the first King of Ireland?  
7. Who was the first King of Norway?  
8. Who was the first King of Sweden?  
9. Who was the first King of Denmark?  
10. Who was the first King of Poland?

QUESTIONS ON THE

1. Who was the first King of England?  
2. Who was the first King of France?  
3. Who was the first King of Spain?  
4. Who was the first King of Portugal?  
5. Who was the first King of Scotland?  
6. Who was the first King of Ireland?  
7. Who was the first King of Norway?  
8. Who was the first King of Sweden?  
9. Who was the first King of Denmark?  
10. Who was the first King of Poland?

ԻՄ ԱՇԽԱՏԱՍԻՐԱԾ ԿՐՈՆԻ ԴԱՍԱԳՐԵՐԸ

H 2-8

I. ՈՒՍՈՒՑԻՉՆԵՐԻ ՀԱՄԱՐ

Առողին օրջան		գին է զեղչ
	Թ. կ.	%
1. Ուղեցոյց Հին—Ուխտի մասն Ա.	.	» 80 25
2. Ուղեցոյց Հին—Ուխտի մասն Բ.	.	» 85 25
3. Ուղեցոյց Նոր—Ուխտի մասն Ա.	.	1 »
4. Ուղեցոյց Նոր—Ուխտի մասն Բ.	.	1 5
Միջին օրջան		35
5. Դասագիրք կրօնի հատոր Դ.	.	1 50
6. Դասագիրք կրօնի հատոր Ե.	.	» 50
7. Տասն պատուիրան	.	» 50

II. ԱՇԱԿԵՐՏՆԵՐԻ ՀԱՄԱՐ

Ա. Ծխական դպրոցների համար		
8. Դասատեար կրօնի Ա. տարի	.	» 25
9. Դասատեար կրօնի Բ. տարի	.	» 25
10. Դասատեար կրօնի Գ. տարի	.	» 25
11. Դասատեար կրօնի Դ. տարի	.	» 30 25
Բ. Պետական դպրոցների համար		
12. Դասատեար կրօնի Ա. տարի	.	» 25
13. Դասատեար կրօնի Բ. տարի	.	» 25
14. Դասատեար կր. Գ. տ. (ոչ պատկեր).	.	» 30
Գ. Ծխական և պետական դպր. համար		
15. Հին—Ուխտ	.	» 50
16. Նոր—Ուխտ	.	» 45
17. Գործք—Առաքելոց	.	» 45
Դ. Տաձկահայ դպրոցների համար		
18. Հին—Ուխտ	.	» 45
19. Նոր—Ուխտ	.	» 45
20. Բարոյախօսութիւն (Էթիկայ)	.	» 50 35
21. Մի քանի խօսք հայ կրօնուսոյցներին »	10	

Ցանկացողները կարող են դիմել

1. Խճ—Սահակ ա. քհ. Սահակեանց. Բենյովսкая 52.
2. «Գիր» և միւս հայ գրավաճառներին,
3. Պահեստը «Գիր» գրավաճառանոցում:

433

0026883

ՀՀ

2018



